



ЎЗБЕКИСТОН RESPUBLIKASI VAZIRLAR MAHKAMASINING QARORI

20 20 yil « 9 » март

№ 132

Toshkent sh.

Болаларни бошланғич таълимга мажбурий бир йиллик тайёрлаш тизимини янада ривожлантириш чора-тадбирлари тўғрисида

Вазирлар Маҳкамасининг “Болаларни бошланғич таълимга мажбурий бир йиллик тайёрлашга босқичма-босқич ўтиш чора-тадбирлари тўғрисида” 2018 йил 8 декабрдаги 999-сон қарорига асосан 2018/2019 ўқув йилида Қорақалпоғистон Республикаси Тўрткўл туманида, Фарғона вилоятининг Фурқат тумани ва Қувасой шаҳрида ҳамда Тошкент шаҳрининг Мирзо Улуғбек, Миробод, Бектемир, Учтепа, Яшнобод, Чилонзор, Юнусобод ва Шайхонтохур туманларида болаларни бошланғич таълимга мажбурий бепул бир йиллик тайёрлаш тизими тажриба-синов тариқасида муваффақиятли амалга оширилди.

Тажриба-синов доирасида Қорақалпоғистон Республикаси, Фарғона вилояти ва Тошкент шаҳрида ташкил этилган болаларни бошланғич таълимга мажбурий бепул бир йиллик тайёрлов гуруҳларининг (кейинги ўринларда – тайёрлов гуруҳлари) **494 та** гуруҳида **11 103** нафар бола тайёрловдан ўтди.

Болаларни бошланғич таълимга мажбурий бепул бир йиллик тайёрлаш бўйича дастлабки лойиҳанинг ижобий тажрибасини бошқа худудларда ҳам татбиқ этиш, мактабгача таълим тизимини янада такомиллаштириш, соғлом, фаол, баркамол, ижтимоий мослаштирилган болаларни тарбиялаш, келгусида муваффақиятли ўқув фаолияти учун шарт-шароитларни шакллантириш ва уларни бошланғич таълимга сифатли тайёрлаш ҳамда Ўзбекистон Республикаси Президентининг Олий Мажлисга йўллаган Мурожаатномаси ижросини таъминлаш мақсадида Вазирлар Маҳкамаси **қарор қилади:**

1. Ўзбекистон Республикаси Мактабгача таълим вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг 2019/2020 ўқув йилидан бошлаб Қорақалпоғистон Республикаси, вилоятлар ва Тошкент шаҳрида **болаларни бошланғич таълимга мажбурий бепул бир йиллик тайёрлаш тизимини тўлиқ жорий этиш** тўғрисидаги таклифига розилик берилсин.

2. Ўзбекистон Республикаси Мактабгача таълим вазирлигининг болаларни бошланғич таълимга мажбурий бепул бир йиллик тайёрлашни амалга ошириш борасидаги **асосий вазифалари этиб қуйидагилар белгилансин:**

мактабгача таълим билан қамраб олинмаган болалар учун тайёрлов гуруҳларини шакллантириш;

тайёрлов гуруҳларининг ўқув-тарбия жараёнига замонавий инновацион педагогик технологияларни, таълим ва тарбиянинг самарали шакллари ҳамда усулларини жорий этиш;

тайёрлов гуруҳларини миллий маданий-тарихий қадриятларни акс эттирадиган ва болалиқдан китоб ўқишга қизиқишни оширадиган ўқув-методик, дидактик материаллар, ривожлантирувчи ўйинлар ҳамда ўйинчоқлар, бадий адабиётлар билан таъминлаш;

илғор хорижий тажрибани ҳисобга олган ҳолда, мактабгача таълим билан камраб олинмаган болаларнинг давлат талабларига мувофиқ ҳар томонлама ақлий, ахлоқий, эстетик ва жисмоний камол топиши учун шарт-шароитлар яратиш;

тайёрлов гуруҳларини ташкил этишда мактабгача таълимнинг муқобил шаклларини кенг жорий этиш;

давлат мактабгача таълим ташкилотлари ҳамда мактабгача таълим соҳасида ҳам таълим хизматларини кўрсатувчи бошқа давлат ташкилотларининг моддий-техник базасини мустаҳкамлаш.

3. Белгилансинки:

тайёрлов гуруҳлари учун 2019/2020 ўқув йили **2020 йил 10 мартдан бошланади ва 20 августда тугайди.** 2020/2021 ўқув йилидан бошлаб, тайёрлов гуруҳлари учун ўқув йили **ҳар йили 2 сентябрдан бошланади ва кейинги йилнинг 25 майда тугайди;**

давлат ва нодавлат мактабгача таълим ташкилотлари томонидан ҳамда улардан ташқари тўлиқ ёки тўлиқ бўлмаган кун (бир ҳафтада камида 15 соат таълим-тарбия жараёни ташкил этилган ҳолда) режимида ташкил этиладиган тайёрлов гуруҳлари тарбияланувчилари бошланғич таълимга тайёргарликдан ўтган деб ҳисобланади ва мажбурий бепул бир йиллик тайёрловдан озод этилади;

давлат ва нодавлат мактабгача таълим ташкилотлари томонидан ҳамда улардан ташқари ташкил этилган тайёрлов гуруҳларида бошланғич таълимга мажбурий бир йиллик тайёргарликдан ўтган болаларга **бошланғич таълимга мажбурий бир йиллик тайёрловдан ўтганлик тўғрисида давлат намунасидаги сертификат** берилади.

4. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари давлат мактабгача таълим ташкилотларида ҳамда бошқа давлат ташкилотларида тайёрлов гуруҳлари учун хоналарни тайёрлаш, зарур бўлганда, янги бинолар, хоналар қуриш ёки мавжудларини капитал таъмирлаш, сув ва электр энергияси ҳажмини ўлчайдиган ҳамда ҳисобга оладиган алоҳида мосламалар ўрнатиш чораларини кўрсин.

5. Қуйидагилар:

2020–2025 йилларда болаларни мажбурий мактабгача таълим билан камраб олишнинг мақсадли кўрсаткичлари 1-иловага мувофиқ;

Болаларни бошланғич таълимга мажбурий бепул бир йиллик тайёрлов гуруҳлари фаолиятини ташкил этиш тартиби тўғрисидаги низом 2-иловага мувофиқ;

Болаларни бошланғич таълимга мажбурий бепул бир йиллик тайёрлов гуруҳларини моддий-техник воситалар ва таълим-дидактик материаллар билан жиҳозлаш нормативлари 3-иловага мувофиқ;

Бошланғич таълимга мажбурий бир йиллик тайёрловдан ўтганлик тўғрисида сертификат бериш тартиби тўғрисидаги низом 4-иловага мувофиқ тасдиқлансин.

6. Ўзбекистон Республикаси Мактабгача таълим вазирлиги:

а) тайёрлов гуруҳлари хоналарини ушбу қарорга 3-иловага мувофиқ мебель, анжомлар, ўқув-методик, дидактик материаллар, бадиий адабиётлар, ривожлантирувчи ўйинлар ва ўйинчоқлар билан таъминласин;

б) бир ой муддатда:

тайёрлов гуруҳларини малакали педагог кадрлар билан таъминлаш чораларини кўрсин;

манфаатдор вазирлик ва идоралар билан биргаликда ўзлари қабул қилган норматив-ҳуқуқий ҳужжатларни ушбу қарорга мувофиқлаштирсин.

7. Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси Мактабгача таълим вазирлиги билан биргаликда тайёрлов гуруҳларидаги таълим-тарбия жараёнининг сифатини назорат қилсин ҳамда давлат ва нодавлат мактабгача таълим ташкилотлари томонидан, шунингдек, бошқа ташкилотларда ташкил этиладиган тайёрлов гуруҳлари фаолиятининг мониторингини олиб борсин.

8. Ўзбекистон Республикаси Молия вазирлиги:

ҳар йили Ўзбекистон Республикаси Давлат бюджети харажатларини шакллантиришда ушбу қарор доирасидаги тадбирларни амалга ошириш учун зарур маблағларни назарда тутсин;

заруратга кўра жорий этилаётган штат бирликларидан ва тайёрлов гуруҳларини жиҳозлашдан келиб чиққан ҳолда, “2020 йил учун Ўзбекистон Республикасининг Давлат бюджети тўғрисида”ги Ўзбекистон Республикаси Қонунига ўзгартириш ва кўшимчалар киритиш бўйича Вазирлар Маҳкамасига таклифлар киритсин.

9. Ўзбекистон Республикаси Марказий банкнинг “Давлат белгиси” давлат унитар корхонаси Мактабгача таълим вазирлигининг буюртмасига мувофиқ ҳар йили бошланғич таълимга мажбурий бир йиллик тайёрловдан ўтганлик тўғрисида давлат намунасидаги сертификат бланкаларининг белгиланган тартибда тайёрланишини таъминласин.

10. Вазирлар Маҳкамасининг 2017 йил 15 мартдаги 140-сон қарори (Ўзбекистон Республикаси ҚТ, 2017 йил, 3-сон, 29-модда) билан тасдиқланган Умумий ўрта таълим тўғрисидаги низомнинг 43-бандига қуйидаги мазмундаги хатбоши қўшилсин:

“2027/2028 ўқув йилидан бошлаб – бошланғич таълимга мажбурий бир йиллик тайёрловдан ўтганлик тўғрисида давлат намунасидаги сертификат”.

11. Вазирлар Маҳкамасининг “Болаларни бошланғич таълимга мажбурий бир йиллик тайёрлашга босқичма-босқич ўтиш чора-тадбирлари тўғрисида” 2018 йил 8 декабрдаги 999-сон қарорининг 5-банди ва ушбу қарорга 2-4 иловалар ўз кучини йўқотган деб ҳисоблансин.

12. Мазкур қарорнинг бажарилишини назорат қилиш Ўзбекистон Республикаси мактабгача таълим вазири А.В. Шин зиммасига ва Ўзбекистон Республикаси Вазирлар Маҳкамасининг Таълим ва соғлиқни сақлаш масалалари котибиятига юклансин.

**Ўзбекистон Республикасининг
Бош вазири**



А. Арипов

Вазирлар Маҳкамасининг
2020 йил “ 9 ” мартдаги 132-сон қарорига
1-илова

**2020–2025 йилларда болаларни мажбурий
мактабгача таълим билан қамраб олишнингнинг
МАҚСАДЛИ КЎРСАТКИЧЛАРИ**

№	Параметрлар	шу жумладан ўқув йиллар бўйича:					
		2019/2020	2020/2021	2021/2022	2022/2023	2023/2024	2024/2025
ЎЗБЕКИСТОН РЕСПУБЛИКАСИ							
1	Жами 6 ёшдаги болалар сони	630 281	658 799	691 621	709 318	726 926	744 532
2	6 ёшдаги болаларни қамраб олишнинг мақсадли кўрсаткичи (сони)	341 816	494 069	567 129	638 386	690 580	744 532
3	6 ёшдаги болаларни қамраб олишнинг мақсадли кўрсаткичи (%)	54,2	75	82	90	95	100
4	6 ёшдаги болаларни қамраб олишнинг ўсиши суръати	91 243	152 253	73 060	71 257	52 194	53 952
<i>шу жумладан қуйидагилар ҳисобига:</i>							
1	Тўлиқ кунлик тайёрлов гуруҳлари	266	263	128	127	94	98
2	Қисқа муддатли тайёрлов гуруҳлари	559	768	373	365	269	278
3	Болаларни бошланғич таълимга мажбурий бепул бир йиллик тайёрлов гуруҳлари	2 535	4 051	1 940	1 888	1 384	1 431
1. АНДИЖОН ВИЛОЯТИ							
1	Жами 6 ёшдаги болалар сони	58 405	61 695	64 504	65 925	67 333	68 746

№	Параметрлар	шу жумладан ўқув йиллар бўйича:					
		2019/2020	2020/2021	2021/2022	2022/2023	2023/2024	2024/2025
2	6 ёшдаги болаларни қамраб олишнинг мақсадли кўрсаткичи (сони)	32 350	46 271	52 893	59 333	63 966	68 746
3	6 ёшдаги болаларни қамраб олишнинг мақсадли кўрсаткичи (%)	55,4	75	82	90	95	100
4	6 ёшдаги болаларни қамраб олишнинг ўсиши суръати	4 597	13 921	6 622	6 440	4 633	4 780
<i>шу жумладан қуйидагилар ҳисобига:</i>							
1	Тўлиқ кунлик тайёрлов гуруҳлари	18	24	12	11	8	8
2	Қисқа муддатли тайёрлов гуруҳлари	31	70	34	33	24	24
3	Болаларни бошланғич таълимга мажбурий бепул бир йиллик тайёрлов гуруҳлари	132	371	175	171	123	128
2. БУХОРО ВИЛОЯТИ							
1	Жами 6 ёшдаги болалар сони	33 853	36 032	37 280	38 192	39 142	40 086
2	6 ёшдаги болаларни қамраб олишнинг мақсадли кўрсаткичи (сони)	21 480	27 024	30 570	34 373	37 185	40 086
3	6 ёшдаги болаларни қамраб олишнинг мақсадли кўрсаткичи (%)	63,5	75	82	90	95	100
4	6 ёшдаги болаларни қамраб олишнинг ўсиши суръати	4 327	5 544	3 546	3 803	2 812	2 901
<i>шу жумладан қуйидагилар ҳисобига:</i>							
1	Тўлиқ кунлик тайёрлов гуруҳлари	14	10	6	7	5	5
2	Қисқа муддатли тайёрлов гуруҳлари	30	28	18	20	15	15

№	Параметрлар	шу жумладан ўқув йиллар бўйича:					
		2019/2020	2020/2021	2021/2022	2022/2023	2023/2024	2024/2025
3	Болаларни бошланғич таълимга мажбурий бепул бир йиллик тайёрлов гуруҳлари	121	147	95	100	74	77
3. ЖИЗЗАХ ВИЛОЯТИ							
1	Жами 6 ёшдаги болалар сони	25 650	26 580	28 033	28 959	29 886	30 810
2	6 ёшдаги болаларни қамраб олишнинг мақсадли кўрсаткичи (сони)	14 417	19 935	22 987	26 063	28 392	30 810
3	6 ёшдаги болаларни қамраб олишнинг мақсадли кўрсаткичи (%)	56,2	75	82	90	95	100
4	6 ёшдаги болаларни қамраб олишнинг ўсиши суръати	2 479	5 518	3 052	3 076	2 329	2 418
<i>шу жумладан қуйидагилар ҳисобига:</i>							
1	Тўлиқ кунлик тайёрлов гуруҳлари	13	10	6	6	4	5
2	Қисқа муддатли тайёрлов гуруҳлари	20	28	16	16	12	13
3	Болаларни бошланғич таълимга мажбурий бепул бир йиллик тайёрлов гуруҳлари	72	146	80	81	62	63
4. ҚАШҚАДАРЁ ВИЛОЯТИ							
1	Жами 6 ёшдаги болалар сони	68 592	70 303	72 170	73 991	75 805	77 626
2	6 ёшдаги болаларни қамраб олишнинг мақсадли кўрсаткичи (сони)	27 323	52 727	59 179	66 592	72 015	77 626
3	6 ёшдаги болаларни қамраб олишнинг мақсадли кўрсаткичи (%)	39,8	75	82	90	95	100
4	6 ёшдаги болаларни қамраб олишнинг ўсиши суръати	9 789	25 404	6 452	7 413	5 423	5 611

№	Параметрлар	шу жумладан ўқув йиллар бўйича:					
		2019/2020	2020/2021	2021/2022	2022/2023	2023/2024	2024/2025
<i>шу жумладан қуйидагилар ҳисобига:</i>							
1	Тўлиқ кунлик тайёрлов гуруҳлари	26	43	11	13	10	10
2	Қисқа муддатли тайёрлов гуруҳлари	57	128	33	38	28	29
3	Болаларни бошланғич таълимга мажбурий бепул бир йиллик тайёрлов гуруҳлари	270	676	172	197	143	149
5. ҚОРАҚАЛПОҒИСТОН РЕСПУБЛИКАСИ							
1	Жами 6 ёшдаги болалар сони	38 426	37 643	38 778	39 461	40 143	40 826
2	6 ёшдаги болаларни қамраб олишнинг мақсадли кўрсаткичи (сони)	24 659	28 232	31 798	35 515	38 136	40 826
3	6 ёшдаги болаларни қамраб олишнинг мақсадли кўрсаткичи (%)	64,2	75	82	90	95	100
4	6 ёшдаги болаларни қамраб олишнинг ўсиши суръати	6 619	3 573	3 566	3 717	2 621	2 690
<i>шу жумладан қуйидагилар ҳисобига:</i>							
1	Тўлиқ кунлик тайёрлов гуруҳлари	20	6	6	7	5	5
2	Қисқа муддатли тайёрлов гуруҳлари	43	18	18	19	14	14
3	Болаларни бошланғич таълимга мажбурий бепул бир йиллик тайёрлов гуруҳлари	183	96	95	98	69	71
6. НАВОИЙ ВИЛОЯТИ							
1	Жами 6 ёшдаги болалар сони	18 064	19 092	19 794	20 460	21 126	21 792
2	6 ёшдаги болаларни қамраб олишнинг мақсадли кўрсаткичи (сони)	8 748	14 319	16 231	18 414	20 070	21 792

№	Параметрлар	шу жумладан ўқув йиллар бўйича:					
		2019/2020	2020/2021	2021/2022	2022/2023	2023/2024	2024/2025
3	6 ёшдаги болаларни қамраб олишнинг мақсадли кўрсаткичи (%)	48,4	75	82	90	95	100
4	6 ёшдаги болаларни қамраб олишнинг ўсиши суръати	3 046	5 571	1 912	2 183	1 656	1 722
<i>шу жумладан қуйидагилар ҳисобига:</i>							
1	Тўлиқ кунлик тайёрлов гуруҳлари	11	10	4	4	3	3
2	Қисқа муддатли тайёрлов гуруҳлари	20	28	10	11	9	9
3	Болаларни бошланғич таълимга мажбурий бепул бир йиллик тайёрлов гуруҳлари	86	148	50	58	44	46
7. НАМАНГАН ВИЛОЯТИ							
1	Жами 6 ёшдаги болалар сони	50 003	55 942	61 170	63 355	65 494	67 637
2	6 ёшдаги болаларни қамраб олишнинг мақсадли кўрсаткичи (сони)	29 612	41 957	50 159	57 020	62 219	67 637
3	6 ёшдаги болаларни қамраб олишнинг мақсадли кўрсаткичи (%)	59,2	75	82	90	95	100
4	6 ёшдаги болаларни қамраб олишнинг ўсиши суръати	5 494	12 345	8 202	6 861	5 199	5 418
<i>шу жумладан қуйидагилар ҳисобига:</i>							
1	Тўлиқ кунлик тайёрлов гуруҳлари	16	21	14	12	9	10
2	Қисқа муддатли тайёрлов гуруҳлари	33	62	42	35	26	28
3	Болаларни бошланғич таълимга мажбурий бепул бир йиллик тайёрлов гуруҳлари	154	329	218	182	139	143

№	Параметрлар	шу жумладан ўқув йиллар бўйича:					
		2019/2020	2020/2021	2021/2022	2022/2023	2023/2024	2024/2025
8. САМАРҚАНД ВИЛОЯТИ							
1	Жами 6 ёшдаги болалар сони	75 849	78 414	82 381	84 218	86 026	87 833
2	6 ёшдаги болаларни қамраб олишнинг мақсадли кўрсаткичи (сони)	43 800	58 811	67 552	75 796	81 725	87 833
3	6 ёшдаги болаларни қамраб олишнинг мақсадли кўрсаткичи (%)	57,7	75	82	90	95	100
4	6 ёшдаги болаларни қамраб олишнинг ўсиши суръати	20 392	15 011	8 741	8 244	5 929	6 108
<i>шу жумладан қуйидагилар ҳисобига:</i>							
1	Тўлиқ кунлик тайёрлов гуруҳлари	43	26	15	14	10	11
2	Қисқа муддатли тайёрлов гуруҳлари	111	76	44	42	30	31
3	Болаларни бошланғич таълимга мажбурий бепул бир йиллик тайёрлов гуруҳлари	552	399	233	219	158	162
9. СИРДАРЁ ВИЛОЯТИ							
1	Жами 6 ёшдаги болалар сони	15 700	16 368	17 018	17 370	17 724	18 075
2	6 ёшдаги болаларни қамраб олишнинг мақсадли кўрсаткичи (сони)	10 244	12 276	13 955	15 633	16 838	18 075
3	6 ёшдаги болаларни қамраб олишнинг мақсадли кўрсаткичи (%)	65,2	75	82	90	95	100
4	6 ёшдаги болаларни қамраб олишнинг ўсиши суръати	1 839	2 032	1 679	1 678	1 205	1 237
<i>шу жумладан қуйидагилар ҳисобига:</i>							

№	Параметрлар	шу жумладан ўқув йиллар бўйича:					
		2019/2020	2020/2021	2021/2022	2022/2023	2023/2024	2024/2025
1	Тўлиқ кунлик тайёрлов гуруҳлари	11	4	3	3	3	3
2	Қисқа муддатли тайёрлов гуруҳлари	16	11	9	9	7	7
3	Болаларни бошланғич таълимга мажбурий бепул бир йиллик тайёрлов гуруҳлари	53	53	44	44	31	32
10. СУРХОНДАРЁ ВИЛОЯТИ							
1	Жами 6 ёшдаги болалар сони	53 795	54 071	58 070	59 806	61 541	63 275
2	6 ёшдаги болаларни камраб олишнинг мақсадли кўрсаткичи (сони)	23 619	40 553	45 191	53 825	58 464	63 275
3	6 ёшдаги болаларни камраб олишнинг мақсадли кўрсаткичи (%)	43,9	75	78	90	95	100
4	6 ёшдаги болаларни камраб олишнинг ўсиши суръати	8 992	16 934	4 638	8 634	4 639	4 811
<i>шу жумладан қуйидагилар ҳисобига:</i>							
1	Тўлиқ кунлик тайёрлов гуруҳлари	21	29	8	15	8	9
2	Қисқа муддатли тайёрлов гуруҳлари	52	85	24	44	24	25
3	Болаларни бошланғич таълимга мажбурий бепул бир йиллик тайёрлов гуруҳлари	247	451	123	229	123	127
11. ФАРҒОНА ВИЛОЯТИ							
1	Жами 6 ёшдаги болалар сони	66 537	72 095	74 904	76 719	78 536	80 347
2	6 ёшдаги болаларни камраб олишнинг мақсадли кўрсаткичи (сони)	34 816	54 071	60 421	69 047	74 609	80 347

№	Параметрлар	шу жумладан ўқув йиллар бўйича:					
		2019/2020	2020/2021	2021/2022	2022/2023	2023/2024	2024/2025
3	6 ёшдаги болаларни қамраб олишнинг мақсадли кўрсаткичи (%)	52,3	75	81	90	95	100
4	6 ёшдаги болаларни қамраб олишнинг ўсиши суръати	6 086	19 255	6 350	8 626	5 562	5 738
<i>шу жумладан қуйидагилар ҳисобига:</i>							
1	Тўлиқ кунлик тайёрлов гуруҳлари	20	33	11	15	10	10
2	Қисқа муддатли тайёрлов гуруҳлари	40	97	32	44	28	29
3	Болаларни бошланғич таълимга мажбурий бепул бир йиллик тайёрлов гуруҳлари	174	512	169	229	148	153
12. ХОРАЗМ ВИЛОЯТИ							
1	Жами 6 ёшдаги болалар сони	34 299	37 192	39 462	40 706	41 949	43 193
2	6 ёшдаги болаларни қамраб олишнинг мақсадли кўрсаткичи (сони)	12 526	27 894	32 359	36 635	39 852	43 193
3	6 ёшдаги болаларни қамраб олишнинг мақсадли кўрсаткичи (%)	36,5	75	82	90	95	100
4	6 ёшдаги болаларни қамраб олишнинг ўсиши суръати	3 923	15 368	4 465	4 276	3 217	3 341
<i>шу жумладан қуйидагилар ҳисобига:</i>							
1	Тўлиқ кунлик тайёрлов гуруҳлари	13	26	8	8	6	6
2	Қисқа муддатли тайёрлов гуруҳлари	25	77	23	22	17	17
3	Болаларни бошланғич таълимга мажбурий бепул бир йиллик тайёрлов гуруҳлари	109	410	118	113	85	89

№	Параметрлар	шу жумладан ўқув йиллар бўйича:					
		2019/2020	2020/2021	2021/2022	2022/2023	2023/2024	2024/2025
13. ТОШКЕНТ ШАҲРИ							
1	Жами 6 ёшдаги болалар сони	38 743	40 105	41 862	43 026	44 189	45 352
2	6 ёшдаги болаларни қамраб олишнинг мақсадли кўрсаткичи (сони)	32 307	34 806	37 754	40 267	42 858	45 352
3	6 ёшдаги болаларни қамраб олишнинг мақсадли кўрсаткичи (%)	83	86,8	90,2	93,6	97	100
4	6 ёшдаги болаларни қамраб олишнинг ўсиши суръати	6 436	2 499	2 948	2 513	2 591	2 494
<i>шу жумладан қуйидагилар ҳисобига:</i>							
1	Тўлиқ кунлик тайёрлов гуруҳлари	17	5	5	5	5	5
2	Қисқа муддатли тайёрлов гуруҳлари	37	13	15	13	13	13
3	Болаларни бошланғич таълимга мажбурий бепул бир йиллик тайёрлов гуруҳлари	178	66	79	66	69	66
14. ТОШКЕНТ ВИЛОЯТИ							
1	Жами 6 ёшдаги болалар сони	52 365	53 267	56 195	57 130	58 032	58 934
2	6 ёшдаги болаларни қамраб олишнинг мақсадли кўрсаткичи (сони)	25 915	35 193	46 080	49 873	54 251	58 934
3	6 ёшдаги болаларни қамраб олишнинг мақсадли кўрсаткичи (%)	49,5	66,1	82	87,3	93	100
4	6 ёшдаги болаларни қамраб олишнинг ўсиши суръати	7 224	9 278	10 887	3 793	4 378	4 683
<i>шу жумладан қуйидагилар ҳисобига:</i>							

№	Параметрлар	шу жумладан ўқув йиллар бўйича:					
		2019/2020	2020/2021	2021/2022	2022/2023	2023/2024	2024/2025
1	Тўлиқ кунлик тайёрлов гуруҳлари	23	16	19	7	8	8
2	Қисқа муддатли тайёрлов гуруҳлари	44	47	55	19	22	24
3	Болаларни бошланғич таълимга мажбурий бепул бир йиллик тайёрлов гуруҳлари	204	247	289	101	116	125

Болаларни бошланғич таълимга мажбурий бепул бир йиллик тайёрлов гуруҳлари фаолиятини ташкил этиш тартиби тўғрисида НИЗОМ

1-боб. Умумий қоидалар

1. Ушбу Низом болаларни бошланғич таълимга мажбурий бепул бир йиллик тайёрлов гуруҳлари (кейинги ўринларда – тайёрлов гуруҳлари) фаолиятини ташкил этиш тартибини белгилайди.

2. Тайёрлов гуруҳлари мактабгача таълим ташкилотлари билан қамраб олинмаган болаларга мактабгача таълим ва тарбия олишда ёрдам бериш, бунинг учун зарур шарт-шароитлар яратиш мақсадида ташкил этилади.

3. Тайёрлов гуруҳлари мактабгача таълим тизимининг ажралмас қисми ҳисобланади ва қуйидагилар уларнинг асосий вазифалари ҳисобланади:

болаларни умумий ўрта таълим муассасаларида ўқишга тайёрлаш;

Ўзбекистон Республикасидаги илк ва мактабгача ёшдаги болалар ривожланишига қўйиладиган давлат талабларига мувофиқ ва илғор хорижий тажрибани ҳисобга олган ҳолда, болалар ҳар томонлама ақлий, ахлоқий, эстетик ва жисмоний камол топиши учун шарт-шароитлар яратиш;

болаларнинг соғлиғини муҳофаза қилиш ва мустаҳкамлаш;

болаларни миллий маданият ва умуминсоний қадриятлар билан таништириш;

ўқув-тарбия жараёнига замонавий инновацион педагогик технологияларни, таълим ва тарбиянинг самарали шакллари ҳамда усулларини жорий этиш;

бола шахсининг асосларини шакллантириш, унда билимга кизиқишни ривожлантириш.

2-боб. Тайёрлов гуруҳларини ташкил этиш ва уларга болаларни қабул қилиш

4. Қорақалпоғистон Республикаси Мактабгача таълим вазирлиги, вилоят мактабгача таълим бошқармалари, Тошкент шаҳар мактабгача таълим бошқармаси (кейинги ўринларда – ҳудудий бошқармалар) томонидан ҳар йили июнь, июль ойларида ҳудуддаги мактабгача таълим ташкилотларига қамраб олинмаган болаларнинг мавжуд контингенти ўрганилади.

Бундай болалар контингенти аниқланган тақдирда, ҳудудий бошқармалар тайёрлов гуруҳларини ташкил этиш тўғрисида асосланган таклиф билан Ўзбекистон Республикаси Мактабгача таълим вазирлигига мурожаат қилади.

Мактабгача таълим вазирлиги таклифни ўрганиб чиқиб, бир ой муддатда тайёрлов гуруҳларини ташкил этишга қўйилган талабларни ҳисобга олган ҳолда ҳудудий бошқармаларга тегишли топшириқ беради.

5. Тайёрлов гуруҳларини ташкил этиш тўғрисидаги буйруқ туман (шаҳар) мактабгача таълим бўлими томонидан Мактабгача таълим вазирлигининг тегишли топшириғи келиб тушган кундан бошлаб икки ҳафта муддатда қабул қилинади.

6. Тайёрлов гуруҳларига тегишли йилнинг 1 сентябрида 5 ёш 6 ойлик бўлган, мактабгача таълим ташкилотларига бормаётган болалар уларнинг ота-оналари ёки уларнинг ўрнини босувчи шахсларнинг (кейинги ўринларда – ота-оналар) аризаси ва бола соғлиғи ҳолати тўғрисидаги тиббий хулоса асосида қабул қилинади.

7. Тайёрлов гуруҳларига қабул қилинган болалар мактабгача таълим ташкилоти раҳбарларининг буйруғи билан расмийлаштирилади.

8. Тайёрлов гуруҳлари мактабгача таълим ташкилотларида ташкил этилади.

Мактабгача таълим ташкилотлари мавжуд бўлмаган ёки уларда тайёрлов гуруҳларини ташкил этиш учун етарли шароит бўлмаган тақдирда тайёрлов гуруҳлари умумий ўрта таълим муассасалари, коллежлар, “Баркамол авлод” марказлари, маҳалла фуқаролар йиғинлари, маданият марказлари, болалар мусиқа ва санъат мактабларида, шунингдек, бошқа мос бино ҳамда иншоотларда ташкил этилади.

9. Мактабгача таълим ташкилотларида тайёрлов гуруҳлари учун алоҳида хоналар ажратилади ва улардан фақат мақсадли фойдаланилади, зарур бўлса, уларга алоҳида эшикдан кириш ташкил этилади.

10. Тайёрлов гуруҳларини ташкил этиш учун ажратилган хоналар белгиланган санитария-гигиена талабларига мувофиқ бўлиши керак.

3-боб. Тайёрлов гуруҳларида ўқув-тарбия жараёнини ташкил этиш

11. Таълим-тарбия жараёни болаларнинг овқатланишини ташкил этиш шартисиз бир ҳафтада камида 15 соат (бир кунда 3-4 соат) ўқитишни назарда тутувчи мактабгача таълимнинг давлат таълим дастурига ҳамда илк ва мактабгача ёшдаги болалар ривожланишига кўйиладиган давлат талабларига мувофиқ ишлаб чиқилган мактабгача таълим ташкилоти дастури асосида ташкил этилади.

12. Тайёрлов гуруҳларида болаларнинг бўлиш вақти 3-4 соатни ташкил этади ва таълим-тарбия жараёни бир ёки икки сменада ташкил этилади.

13. Битта тайёрлов гуруҳидаги болалар сони 30 нафардан ошмаслиги керак.

14. Мактабгача таълим ташкилотига бормайдиган ва ўзига хос эҳтиёжларга эга болалар тиббий монеликлар мавжуд бўлмаганда, тайёрлов гуруҳларида ўқиши мумкин.

Ўзбекистон Республикаси Соғлиқни сақлаш вазирлиги томонидан тасдиқланган тиббий монеликлар мавжуд бўлганда, ота-оналарнинг ҳозир бўлиши кўрсатилган ҳолда боланинг яшаш жойи бўйича даволаш-профилактика муассасаси томонидан тайёрлов гуруҳларига бориш учун рухсат бериш тўғрисида хулоса берилади.

15. Тайёрлов гуруҳларида таълим-тарбия жараёни болаларнинг ўзига хос хусусиятлари ҳисобга олинган ҳолда ташкил этилади.

16. Мактабгача таълим ташкилотларидан ташқарида ташкил этилган тайёрлов гуруҳлари энг яқин жойдаги мактабгача таълим ташкилотларининг таркибий қисми ҳисобланади ҳамда барча ҳужжатларни расмийлаштириш мазкур мактабгача таълим ташкилоти раҳбари томонидан олиб борилади ва назорат қилинади.

17. Тайёрлов гуруҳларида педагог кадрлар меъёри ҳар бир гуруҳ учун тарбиячи – 0,5 штат бирлиги, тарбиячи ёрдамчиси – 0,5 штат бирлиги ҳамда музика раҳбари – 0,25 штат бирлиги миқдоридан белгиланади.

4-боб. Таълим-тарбия жараёни иштирокчилари

18. Тарбияланувчи, педагог ходим, ота-оналар тайёрлов гуруҳларида таълим-тарбия жараёни иштирокчилари ҳисобланади.

19. Тайёрлов гуруҳлари тарбияланувчилари қуйидаги ҳуқуқларга эга:
давлат мактабгача таълим ташкилотларида бошланғич таълимга мажбурий бир йиллик тайёргарликдан бепул ўтиш;

давлат томонидан қафолатланган ҳажм доирасида бепул тиббий ёрдам олиш;

соғлиқ учун хавфсиз бўлган шароитларда таълим олиш ва тарбияланиш;
соғлом турмуш тарзини олиб бориш, болаларни меҳнат қилишга мажбурлашнинг ҳар қандай шаклларида, жисмоний ва руҳий зўравонликдан, ўз шаъни ва қадр-қиммати камситилишидан ҳимояланиш;

ўз соғлиғига зарар етказадиган ахборотдан ҳимояланиш.

Тайёрлов гуруҳлари тарбияларувчилари қонун ҳужжатларига мувофиқ бошқа ҳуқуқларга ҳам эга бўлиши мумкин.

20. Тарбияланувчиларнинг ота-оналари қуйидаги ҳуқуқларга эга:

ўз боласининг ҳуқуқлари ва қонуний манфаатларини ҳимоя қилиш;

ўз боласи учун мактабгача таълим шаклини ва таълим олиш тилини танлаш;

мактабгача таълим ташкилотлари маъмуриятидан мактабгача таълим ва тарбия тўғрисидаги қонун ҳужжатларида назарда тутилган зарур шарт-шароитлар таъминланишини талаб қилиш;

мактабгача бўлган ёшдаги болани ривожлантириш, унга мактабгача таълим ва тарбия бериш масалалари юзасидан давлат органларига мурожаат қилиш;

болага нисбатан ҳурмат билан муносабатда бўлишни талаб қилиш;

таълим-тарбия жараёни ташкил этилишида иштирок этиш;

тайёрлов гуруҳларидаги таълим-тарбия жараёни билан танишиш.

Тарбияланувчиларнинг ота-оналари қонун ҳужжатларига мувофиқ бошқа ҳуқуқларга ҳам эга бўлиши мумкин.

21. Тарбияланувчиларнинг ота-оналари:

боланинг жисмоний соғлиғи, руҳий ҳолати ҳақида қайғуриши, унинг қобилиятлари, иштиёқлари ва истеъдодларини ривожлантириш учун зарур шарт-шароитлар яратиши;

боланинг бошланғич таълимга мажбурий бир йиллик тайёргарликдан ўтишини таъминлаши;

таълим-тарбия жараёни бошқа иштирокчиларининг шаъни, кадр-қиммати ва ишчанлик обрўсини ҳурмат қилиши;

оилада боланинг ҳар томонлама ривожланиши, таълим ва тарбия олиши учун зарур шарт-шароитларни таъминлаши шарт.

Тарбияланувчилар ота-оналари зиммасида қонун ҳужжатларига мувофиқ бошқа мажбуриятлар ҳам бўлиши мумкин.

Болаларнинг умумий ўрта таълим муассасасига киргунига қадар бошланғич таълимга бир йиллик мажбурий тайёргарлик кўриши учун жавобгарлик уларнинг ота-оналари зиммасига юклатилади.

22. Тегишли касбий маълумотга, тайёргарликка, юксак ахлоқий сифатларга эга бўлган ҳамда тиббий кўрикдан ўтган шахслар тайёрлов гуруҳларида педагогик ва тиббий фаолият билан шуғулланиш ҳуқуқига эгадир.

5-боб. Тайёрлов гуруҳлари мол-мулки ва молия-ҳўжалик фаолияти

23. Тайёрлов гуруҳлари фаолияти билан боғлиқ харажатлар қонун ҳужжатларига мувофиқ Ўзбекистон Республикаси Давлат бюджети ҳисобидан молиялаштирилади.

24. Тайёрлов гуруҳлари Ўзбекистон Республикаси Мактабгача таълим вазирлиги ҳамда ҳудудий бошқармалар томонидан белгиланган тартибда уларнинг банк ҳисобрақамларига ўтказиладиган Давлат бюджети маблағлари ҳисобидан жиҳозланади.

25. Тайёрлов гуруҳларининг мол-мулки қонун ҳужжатларида белгиланган тартибда мазкур гуруҳлар ташкил этилган мактабгача таълим ташкилотининг балансига киритилади.

26. Тайёрлов гуруҳларининг педагог ходимлари меҳнатига давлат мактабгача таълим муассасалари учун белгиланган тартибда ҳақ тўланади.

6-боб. Яқунловчи қоида

27. Ушбу Низом талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

**Болаларни бошланғич таълимга мажбурий бепул бир йиллик
тайёрлов гуруҳларини моддий-техник воситалар ва таълим-
дидактик материаллар билан жиҳозлаш
НОРМАТИВЛАРИ**

Т/р	Номи	Ўлчов бирлиги	Сони
I. Мебель ва бошқа жиҳозлар			
1	Қаттиқ жинсли ёғочдан ёки қатлам-қатлам ёғочдан ясалган 4 ўринли болалар столи (10 мм дан 18 мм гача)	дона	8
2	Қаттиқ жинсли ёғочдан ёки қатлам-қатлам ёғочдан ясалган болалар стули (10 мм дан 18 мм гача)	дона	30
3	Тарбиячи учун бир тумбочкали стол	дона	1
4	Тарбиячи учун ярим юмшоқ стул	дона	2
5	Ўқув материаллари учун жавон	дона	1
6	Ўйинчоқлар учун жавон	дона	4
7	Яшил доска	дона	1
8	Гилам	кв.м.	60
9	Илгак	дона	30
II. Ўйинчоқлар			
10	Ўғил бола кўғирчоқ	дона	2
11	Қиз бола кўғирчоқ	дона	2
12	Машиналар (ёнғин машинаси, тез ёрдам машинаси, милиция машинаси, юк машинаси, энгил машина, экскаватор, кўтариш крани)	комплект	1
13	Уй ҳайвонлари ва уларнинг болалари	тўплам	2
14	Ёввойи ҳайвонлар ва уларнинг болалари	тўплам	2
15	Болалар идишлари тўплами	тўплам	4
16	Конструктор	тўплам	4
17	Болалар лотоси	тўплам	2
18	“Дорихона” тўплами	тўплам	2
19	Қурилиш воситалари тўплами	тўплам	2
20	Топишмоқлар (пазллар)	дона	20
21	Терма нақш	тўплам	4
22	Қурилиш кубиклари тўплами	тўплам	2
23	Мевалар қолипи	тўплам	2
24	Сабзавотлар қолипи	тўплам	2
25	“Сартарошхона” тўплами	тўплам	2

Т/р	Номи	Ўлчов бирлиги	Сони
III. Машғулотларга доир дидактик материаллар			
26	Ҳисоб чўшлари	тўплам	30
27	Геометрик шакллар	тўплам	30
28	Рақамлар тўплами	тўплам	30
29	Йил фасллари тасвири туширилган расмлар туркуми	тўплам	30
30	Уй ҳайвонлари ва уларнинг болалари тасвири туширилган карточкалар	тўплам	4
31	Ёввойи ҳайвонлар ва уларнинг болалари тасвири туширилган карточкалар	тўплам	4
32	Уй паррандалари тасвири туширилган карточкалар	тўплам	4
33	Қушлар тасвири туширилган карточкалар	тўплам	4
34	Сабзавотлар тасвири туширилган карточкалар	тўплам	4
35	Мева ва резавор мевалар тасвири туширилган карточкалар	тўплам	4
36	“Алифбо” юмшоқ ривожлантирувчи кубиклар	тўплам	1
37	“Ҳаёт хавфсизлиги асоси” карточкалари	тўплам	1
38	“Касблар” карточкалари	тўплам	4
39	“Ўзбекистон рамзлари” тўплами	комплект	1
40	Ўзбекистон мутафаккирлари ва атоқли шахслари портретлари	тўплам	1
41	“Идиш-товок” карточкалари	тўплам	4
42	“Мебель” карточкалари	тўплам	4
43	Соат	дона	1
44	Дидактик ўйинлар	комплект	1
45	Глобус	дона	1
46	Танграм	тўплам	4
IV. Спорт инвентари			
47	Болалар арғамчилари	дона	10
48	Болалар боулинг-кегли	тўплам	2
49	Турли катталиқдаги тўплар	дона	6
50	Турли ҳажмдаги чамбараклар	дона	6
51	Кольцеброс	дона	2
V. Болалар адабиётлари			
52	Жаҳон халқлари эртаклари	дона	10
53	Ўзбек халқ эртаклари	дона	10
54	Шеърлар, топишмоқлар	дона	10

Бошланғич таълимга мажбурий бир йиллик тайёрловдан ўтганлик тўғрисида сертификат бериш тартиби тўғрисида НИЗОМ

1-боб. Умумий қоидалар

1. Ушбу Низом бошланғич таълимга мажбурий бир йиллик тайёрловдан ўтганлик тўғрисида давлат намунасидаги сертификат бериш тартибини белгилайди.

2-боб. Сертификат бланкаларига буюртма бериш, уларни сақлаш, ҳисобга олиш ва жойларга етказиш

2. Сертификат бланкалари Ўзбекистон Республикаси Мактабгача таълими вазирлигининг буюртманомасига биноан Ўзбекистон Республикаси Марказий банкнинг “Давлат белгиси” давлат унитар корхонаси томонидан муҳофазаланган қоғозда чоп этилади.

3. Қорақалпоғистон Республикаси Мактабгача таълими вазирлиги, вилоятлар ва Тошкент шаҳар мактабгача таълими бошқармалари (кейинги ўринларда – ҳудудий бошқармаларга), туман (шаҳар) мактабгача таълим бўлимларида сертификат бланкаларини сақлаш, ҳисобга олиш ва жойларга етказиш бўйича масъул ходимлар (кейинги ўринларда – масъул шахслар) белгиланади.

4. Сертификат бланкалари ҳудудий бошқармаларга ҳар йили 1 июнга қадар етказилади.

5. Ҳудудий бошқармалар сертификат бланкаларини олганларидан сўнг уларнинг сонини ва тартиб рақамларини юк хати бўйича текширади. Текшириш якунига кўра сертификат бланкаларининг қабул қилиб олинганлиги тўғрисида далолатнома тузилади. Далолатнома ҳудудий бошқарма бошлиғи ҳамда масъул шахс томонидан имзоланади ва муҳр билан тасдиқланади.

6. Ҳудудий бошқармаларга олиб келинган сертификат бланкалари сертификатни ҳисобга олиш ва тарқатиш дафтарида ҳисобга олинади ҳамда сейфда сақланади.

7. Ҳудудий бошқармалар сертификат бланкаларини ҳар йили 5 июнга қадар туман (шаҳар) мактабгача таълими бўлими масъул шахсига ишончнома асосида беради.

Туман (шаҳар) мактабгача таълими бўлимларидан ҳар йили 8 июнга қадар сертификат бланкалари мактабгача таълим ташкилотлари раҳбарларига берилади ва бу ҳақида далолатнома тузилади.

8. Ҳудудий бошқармалар, туман (шаҳар) мактабгача таълими бўлимлари ҳар бир мактабгача таълим ташкилотларига берилаётган сертификат бланкаларининг сони, уларнинг тартиб рақамлари сертификатни ҳисобга олиш ва тарқатиш дафтарида қайд этилишини назоратга оладилар.

9. Ўзбекистон Республикаси Мактабгача таълим вазирлиги сертификатлар реестрини юритади.

Сертификатлар реестрида қуйидагилар кўрсатилган бўлиши керак:
тарбияланувчи фамилияси, исми, отасининг исми;
туғилганлик тўғрисидаги гувоҳнома маълумотлари (гувоҳнома рақами, ким томонидан ва қачон берилгани);
мактабгача таълим ташкилотларининг тарбияланувчиларга сертификат бериш тўғрисидаги буйруғи санаси ва рақами;
сертификат ҳисоб серияси ва рақами;
сертификат берилган сана.

3-боб. Сертификат бланкаларини тўлдириш ва битирувчиларга топшириш

10. Сертификат бланкалари тарбияланувчининг туғилганлик тўғрисидаги гувоҳнома ва гуруҳ журналларидаги маълумотлар асосида тўлдирилади.

11. Сертификат раҳбарнинг имзоси ҳамда мактабгача таълим ташкилоти муҳри билан (муҳри бўлган тақдирда) тасдиқланади. Муҳр аниқ ва ўқилиши осон бўладиган ҳолда туширилади.

12. Мактабгача таълим ташкилотларида битирувчиларга сертификат ҳар йили 20 июнга қадар тантанали равишда топширилади.

Битирувчиларнинг ота-оналари ёки уларнинг қонуний вакиллари (кейинги ўринларда ота-оналар) сертификатни олгани ҳақида сертификатни ҳисобга олиш ва тарқатиш дафтарига имзо қўяди.

4-боб. Сертификат дубликатини бериш

13. Сертификат йўқотилган ёки яроқсиз ҳолга келган, бузилган ҳоларда дубликат берилади.

14. Дубликат олиш учун битирувчининг ота-онаси (улардан бири) мактабгача таълим ташкилоти раҳбарига сертификатнинг йўқотилиши, яроқсиз ҳолатга келиши ёки бузилиши ҳолати тўлиқ баён этилган ёзма ариза берадилар.

Аризага боланинг туғилганлик тўғрисида гувоҳнома нусхаси илова қилинади.

15. Битирувчининг мактабгача таълим ташкилотида ўқиганлигини тасдиқловчи ҳужжатлар мавжуд бўлган тақдирда, 5 кун муддатда мактабгача таълим ташкилоти раҳбари дубликат бериш масаласида туман (шаҳар) мактабгача таълим бўлимига мурожаат қилади ва унинг мурожаати ҳудудий бошқармага юборилади.

16. Дубликатлар ҳудудий бошқармалар томонидан берилади. Дубликатни бериш муддати мактабгача таълим ташкилотига ариза келиб тушган кундан бошлаб бир ойдан ошиб кетмаслиги керак.

17. Яроқсиз ҳолга келган сертификат мактабгача таълим ташкилотига қайтарилиши лозим.

4-боб. Яқунловчи қонда

18. Ушбу Низом талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

Бошланғич таълимга мажбурий бир йиллик
тайёрловдан ўтганлик тўғрисида сертификат
бериш тартиби тўғрисидаги
низомга илова

**Болалар бошланғич таълимга мажбурий бир йиллик тайёрловдан
ўтганлиги тўғрисидаги сертификатнинг
ДАВЛАТ НАМУНАСИ**

(Сертификат тавсифи)

Бошланғич таълимга мажбурий бир йиллик тайёрловдан ўтганлик тўғрисидаги сертификат А5 форматдаги оқ қоғозга офсет усулида, куйидаги бешта бўёқдан фойдаланган ҳолда босиб чиқарилади: қора – матн учун, яшил, кўк, қизил – расмлар тасвири учун, оч жигар ранг – фон учун. Тасмининг юқори қисмига диаметри 30 мм бўлган Ўзбекистон Республикаси Давлат герби тасвири жойлаштирилган.

Варақнинг юқори қолган қисмига лотин ёзувида давлат тилида “O‘ZBEKISTON RESPUBLIKASI MAKTABGACHA TA‘LIM VAZIRLIGI. MAKTABGACHA TA‘LIM TO‘G‘RISIDA SERTIFIKAT” сўзлари босилади. Сертификат МТ ҳарфларидан иборат тартиб рақамга эга ва етти хонали сондан иборат. Сертификат матни нақшли растрдан иборат оч жигарранг фонда қора рангда ўзбек тилида ёзилади.

Сертификат:

босиб чиқаришнинг икки усули – офсет ва юқори усули;

ёруғлик воситасида нусха кўчиришни қийинлаштириш учун очик ранглар;

нақшли растр;

ҳар хил рангли растрлардан фойдаланиш йўли билан турли рангларни ташкил этиш;

махсус қоғозлар;

ўзгарадиган рақамлардан иборат тартиб рақами қўлланган ҳолда олтига ҳимояга эга.

Ўзбекистон Республикаси Давлат герби тасвири

O'ZBEKISTON RESPUBLIKASI
MAKTABGACHA TA'LIM TO'G'RISIDA

SERTIFIKAT

MT № 0000000

Ushbu sertifikat 20 _____ da _____
(tug'ilgan joyi)
tug'ilgan _____ ga 20 _____ yilda
(familiyasi, ismi, otasining ismi)
_____ da
(muassasa nomi)
boshang'ich ta'limga bir yillik tayyorlov dasturini bitirganligi to'g'risida berildi.

M.O' Rahbar _____
(F.I.O.)

(imzo)

Guruh rahbari _____
(imzo) (F.I.O.)

Qayd qilingan raqami _____

20__ yil _____ da berildi.

